


U februaru preporučujemo:




Contemporary Public Debates Over History Education

Contemporary Public Debates Over History Education je šesta knjiga iz ciklusa Međunarodnog prikaza historije obrazovanja koja predstavlja javne debate na historiji obrazovanja kakvim se javlja u četrnaest različitih područja u svijetu, u Aziji, Europi, Sjevernoj i Južnoj Americi.

Ovaj zbornik radova pokazuje zajedničke trendove, nacionalne specifičnosti i različitosti i obogaćuje znanje o ključnim pitanjima kroz historiju obrazovanja u različitim dijelovima svijeta. Otvara nova pitanja i probleme za dalja istraživanja svih onih koji su zainteresirani za ta područja u kontekstu njegovog historijskog, obrazovnog, globalnog, nacionalnog, etničkog, kulturalnog, sociološkog i političkog aspekta u trenutnom prijelaznom i multikulturalnom okruženju.


Ovaj međunarodni dijalog se odnosi na historičare, istraživače historije obrazovanja, univerzitetske profesore, nastavnike, izdavače, roditelje i sve one koji insistiraju na tome da je historija obrazovanja izuzetno važna, pogotovo ako omogućava mladima da se orijentiraju kroz sadašnjost i budućnost u historijskom kontekstu.



Raif Dizdarević: Put u raspad

Knjiga Raifa Dizdarevića *Put u raspad* daje novo svjetlo na događaje u deceniji koja je prethodila raspadu Jugoslavije i krvavim ratovima koji su pratili njen raspad. Knjiga se sastoji od stenograma izlaganja Raifa Dizdarevića u raspravama vođenim iza zatvorenih vrata državnog i političkog vrha Jugoslavije, u periodu kada je Dizdarević, između ostalog, bio na funkciji saveznog sekretara za vanjske poslove, te člana i predsjednika Predsjedništva SFRJ. Ova knjiga pokazuje kako je došlo do raspada Jugoslavije i rata početkom devedesetih godina, ona govori o čitavoj jugoslavenskoj krizi.

U februaru preporučujemo:



Emily Greble: *Sarajevo, 1941-1945 : Muslims, Christians and Jews in Hitler's Europe*

Knjiga *Sarajevo, 1941-1945 : Muslim, Christians and Jews in Hitler's Europe* autorice Emily Greble je povijesna priča o multikulturalnom Sarajevu tokom Drugog svjetskog rata u kojem su gradska tradicija i lojalnost testirane na najteži način. Akteri knjige su ustaški dužnosnici te katoličke, muslimanske, jevrejske i pravoslavne vjerske, političke i kulturne elite koje pokušavaju osigurati autonomiju svojih zajednica u vrijeme diktature i rata.




Dženita Sarač-Rujanac: *Odnos vjerskog i nacionalnog u identitetu Bošnjaka od 1980.do 1990.godine*

«Odnos vjerskog i nacionalnog u identitetu Bošnjaka od 1980.do 1990.godine» je knjiga nastala po magistarskom radu autorice Dženite Sarač-Rujanac. Rad je rezultat istraživanja na projektu Instituta za istoriju pod naslovom Nacionalni identitet Bošnjaka 1945-2008., koje je finansiralo Ministarstvo obrazovanja, nauke, kulture i sporta Kantona Sarajevo i međunarodnog projekta New and Ambiguous national-building South-Eastern Europe u realizaciji Instituta za istoriju Sarajevo i institucija, a autorica se bavi izuzetno kompleksnom i izazovnom temom koja na ovakav način nije promatrana u bosanskohercegovačkoj hiostoriografiji. U ovoj knjizi se prati uticaj događanja u Jugoslaviji i svijetu na odnos vjerskog i nacionalnog u identitetu Bošnjaka u decenji koja je prethodila raspadu SFRJ. Kao polazna tačka u


istraživanju ove teme uzeta je smrt Josipa Broza Tita (1980.), a kao krajnja formiranje Stranke demokratske akcije.

U februaru preporučujemo:



In the Shadow of Hitler : Personalities of the Right in central and Eastern Europe

U knjizi *In the Shadow of Hitler* urednici Rebecca Haynes i Martyn Rady prikazuju karijere 17 najvažnijih figura u desničarskoj politici srednje i istočne Evrope od kraja 19. stoljeća do 1945. godine, političari i aktivisti iz Austrije, Hrvatske, Češke, Slovačke, Njemačke, Mađarske, Italije, Poljske, Rumunije, Srbije i Ukrajine. Neki od njih bili su nacistički simpatizeri, drugi su pak, odbili njemački nacionalsocijalizam u korist suparnika nacionalističkih i desničarskih ideologija i programa.



Josip Baotić

Približavanje jeziku ili približavanje jezika

U Biblioteci „Bosnistika“ u izdanju Slavističkog komiteta krajem 2012. objavljeni su izabrani radovi dr. Josipa Baotića pod naslovom „*Približavanje jeziku ili približavanje jezika*“.

Autor se bavi jezikom kao strukturom i jezikom u društvenom kontekstu, kroz što se govori o specifičnostima jezika bosanske Posavine poput sintakse padeža u govoru starosjedilaca bosanske Posavine, akuta u govoru, orijentalizama i govoru kod istih. Također autor se bavi i jezičkom politikom i jezičkim planiranjem, jezikom u funkciji segregacije itd.

Knjiga se u pdf formatu može preuzeti [ovdje](#).

U februaru preporučujemo:



Sanjin Kodrić

Književnost sjećanja: Kulturalno pamćenje i reprezentacija prošlosti u novijoj bošnjačkoj književnosti

U Biblioteci „Bosnistika“ u izdanju Slavističkog komiteta krajem 2012. objavljena je knjiga koja u osnovi predstavlja, kako sam autor u uvodu kaže, neizmjenjenu verziju doktorske disertacije *Kulturalno pamćenje i reprezentacija prošlosti u bošnjačkoj književnosti 20. stoljeća (Od utilitarizma preporodnog doba do savremene poetike svjedočenja)*, koju je autor odbranio na Filozofskom fakultetu Univerziteta u Sarajevu.

„Izborom temeljnog problemskog fokusa te pojedinačnih prolemskih polja, ciljeva i zadataka istraživanja, kao i predmetne 'građe' i njezina

ukupnog metodološkog instrumentarija, ova knjiga kao cjelina i u pojedinačnim svojim dijelovima predstavlja naglašeno književnoteorijski utemeljen rad u području bosniakističke / bosnističke književne historiografije.“

(Sanjin Kodrić. Književnost sjećanja: Kulturalno pamćenje i reprezentacija prošlosti u novijoj bošnjačkoj književnosti. Str.10)